

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 401965 21 St
Tuzla, 23.09.2021. godine

Općinski sud u Tuzli, sudija Ilvana Delić, u stečajnom postupku nad imovinom dužnika **„BANOVICI-TRANS“ d.o.o. Banovići u stečaju, za transport, trgovinu i ugostiteljstvo, ul. 29. novembra bb**, dana 23.09.2021. godine, donio je sljedeće:

R J E Š E N J E

I-OTVARA SE stečajni postupak nad imovinom dužnika **„BANOVICI-TRANS“ d.o.o. Banovići u stečaju, za transport, trgovinu i ugostiteljstvo, ul. 29. novembra bb**, matični broj subjekta 1-7031, broj glavnog računa 1321300309056543 otvoren je kod NLB banka dd Sarajevo.

II-Stečajni postupak se otvara sa danom 23.09.2021. godine u 12,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se Almir Bajrić iz Tuzle, ul. Aleja Alije Izetbegovića 3B.

IV- Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečaju prijavi potraživanja (član 105. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

VI-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VII-Pozivaju se lica koja imaju obaveze prema stečajnom dužniku da ih bez odlaganja izvrše.

VIII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Živinicama, odjel Banovići, te kod Službe za geodetske i imovinsko-pravne poslove Općine Banovići.

IX-Skupština povjerenica (ročište za ispitivanje) na kojem će se ispitati prijavljena potraživanja zakazuje se za dan ČETVRTAK 11.11.2021. godine u 09,00 sati, u zgradi Općinskog suda u Tuzli, ulica ZAVNOBIH-a bb, sudnica S4.

X-Skupština povjerenica (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se ČETVRTAK 11.11.2021. godine, na istom mjestu nakon ročišta za ispitivanje prijava potraživanja.

XI-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

O b r a z l o ž e n j e

Dana 02.06.2021.godine, predlaže „**BANOVIĆI-TRANS“ d.o.o. Banovići, za transport, trgovinu i ugostiteljstvo, ul. 29. novembra bb**, putem zastupnika društva Mirsada Cilovića podnio je prijedlog za otvaranje stečajnog postupka nad imovinom dužnika ovim privrednim društvom iz razloga platežne nesposobnosti., temeljem odredbe člana 4 i čl. 6. Zakona o stečaju („Sl.novine F BiH“, br.53/2021).

Nakon razmatranja prijedloga sud je rješenjem od 03.08.2021. godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe čl. 60., 61. i 63. Zakona o stečaju.

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem odredbe čl. 102 stav 1. Zakona o stečaju zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na koje je pristupio privremeni stečajni upravnik i zakonski zastupnik predlagača, a u odsustvu uredno obavještenog dužnika.

Iz izvještaja privremenog stečajnog upravnika proizilazi da društvo „**BANOVIĆI-TRANS“ d.o.o. Banovići, za transport, trgovinu i ugostiteljstvo, ul. 29. novembra bb** duži niz godina ne obavlja djelatnost. Obaveze društva sastoje se od dugoročnih obaveza po osnovu kredita, te kratkoročne obaveze koje se odnose na dobavljače, obaveze po osnovu plaća i naknada plaća, obaveze za PDV, poreze i druge dadžbine kao i ostale kratkoročne obaveze. Tako da je privremeni stečajni upravnik našao da dugoročne obaveze iznose 1.200,00 KM dok kratkoročne iznose 456.433,00 KM te imaju tendenciju rasta zbog zatezne kamate. Računi društva su blokirani ali na računu kod Raiffeisen banke postoji zaplijenjeni iznos sredstava od 1.842,88 KM a koje će se zahtjevom upućene banci eventualno prenijeti u društvo u stečaju. U blagajni društva evidentirano je 926,00 KM. Navedena sredstva mogu poslužiti za pokriće troškova stečajnog postupka. Na dan otvaranja prethodnog postupka utvrđeno je da jedini zaposlenik društva je direktor. U pogledu imovine u prethodnom postupku utvrđeno je da društvo nema pokretne i nepokretne imovine čijim bi se unovčenjem mogli pokriti troškovi stečajnog postupka ili namiriti povjerioci stečajnog dužnika. Predumljena sredstva na ime pokretanja stečajnog postupka, sredstva u blagajni i evidentirana zaplijenjena sredstva na računu Raiffeisen banke, prema mišljenju privremenog stečajnog upravnika, dovoljna su za pokriće troškova stečajnog postupka do ispitnog i izvještajnog ročišta na kojem će se odlučiti o daljem toku stečajnog postupka.

Prema izjašnjenju privremenog stečajnog upravnika, društvo nema platežnu sposobnost, budući da ne izmiruje svoje obaveze u dužem vremenskom trajanju od 60 dana i da su mu računi u dužem vremenskom trajanju od 60 dana u blokadi, da nije u stanju izvršiti svoje dospjele obaveze plaćanja, te da su ispunjeni stečajni uslovi za otvaranje stečajnog postupka u smislu odredbe člana 102. stav 6. Zakon o stečaju.

Sud je temeljem odredbe čl. 102. stav 4. a u vezi sa čl. 6. Zakona o stečaju odlučio kao u izreci rješenja.

Odluku o imenovanju stečajnog upravnika, sud je donio temeljem odredbe člana 104. stav 2. tačka b. . Zakona o stečaju, a nakon što je utvrdio da isti ispunjava uslove utvrđene odredbom člana 71. Zakona o stečaju.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108. stav 1. tačka a. Zakona o stečaju.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja žalbu može uložiti stečajni dužnik.

Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku 5 radni dana od dana objave rješenja u Sl. novinama F BiH.

Žalba iz prethodnog stava ne odlaže izvršenje rješenja.